



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1849

CCIV. Derselbe Befehl an den Rath der Neustadt Brandenburg, die Mühlenpächte künftig an das Kloster auf dem Berge abzuführen, vom 25. April 1446.

[urn:nbn:de:hbz:466:1-54022](https://nbn-resolving.org/urn:nbn:de:hbz:466:1-54022)

vnser erben vnd nachkommen vnd thun kunth allen, die dieffen brieff sehen ader horen lesen, das wir mit wolbedachtem mute, rechter wissen vnd gutem Rate den werdigen vnd andechtigen vnserer lieben getruwen Ern Johann probste, prior vnd ganzem Cappittele des Closters vnserer lieben frowen premonstrates ordens auff dem Berge fur vnserer Alden Stad Brandenburg recht vnd redelichen czu eynem wyderkouffe verkoufft haben vnd In mit crafft dieffes briefes verkouffen vnd geweren sollen vnd wollen Sechszehen wispel hardes kornes, nemelichen czehen wispel roggen vnd sechs wispel malczes Jerlicher phlege, dy vns vnd vnser herfschafft vnser lieben getruwen Borgermeister, Ratmannen vnd gemeyne vnserer Nuwen stad Brandenburg van den Molnen fur dyfelbige stad gelegen Jerlichen schuldig sein czu geben, Also das dy vorgeschribenen probst, prior vnd Cappittel vnd alle ore nachkomen die egenannten sechszehn wispel kornes nemlichen X wispel roggen vnd VI wispel Malczes halb vff Sente Mertens tag vnd halb vff Sant walburgen tage von den genannten Borgermeistern, Ratmannen vnd gemeynen Jerlichen vfnemen vnd boren schullen, fur vns, vnser erben vnd nachkommen vnd sunst vor allermeniglich vngehindert, vnd darvff haben wir die obgnannten Borgermeister, Ratmannen vnd gemeyne mit den XVI wispel kornes verlassen vnd sy an den obingeschriben probst, prior vnd Cappittel do mit geweisef etc. — Czu Orkonde mit vnserm anhangenden Ingesigeln versigelt vnd geben czu Berlin, Anno domini etc. XLVI, In die Marci Ewangeliste.

Nach dem Kurrürf. Lehnreceptialbuche des K. Geh. Kab. Archives XX, 171.

CCIV. Derselben Befehl an den Rath der Neustadt Brandenburg, die Mühlenpächte künftig an das Kloster auf dem Berge abzuführen, vom 25. April 1446.

Wir friderich, des heiligen Romischen Reichs Erczkammer vnd friderich, gebuder, von gots gnaden Marggrauen czu Brandenburg etc. So als wir den wirdigen vnd andechtigen vnserer lieben getruwen probste, prior vnd Cappittel des Closters vnserer lieben frowen premonstrates ordens vff dem Berge vor vnser alten stad Brandenburg XVI wispel hardes kornes Nemelichen czehen wispel roggen vnd VI wispel Malczes, dy vns vnserer lieben getruwen Borgermeister, Ratmannen vnd gemeyne vnser Nuwen Stad Brandenburg von den Molnen doselbst Jerlichen schuldig sein, vff eynen widerkouff verkoufft haben, als das vnnzere briefe daruber gegeben lan halden vnd vzwisen, So haben wir den genannten Borgermeistern, Ratmannen vnd gemeynen geheiszen vnd entpholen, heiszen vnd entphelen In auch In vnd mit dieffem brieue, das sie dy obingeschriben XVI wispel kornes auff czwo czyt, Nemelichen halb vff sente Mertens tag vnd halb vff Sent walpurgen tage, den egenanten probste, prior vnd Cappittel vnd nymande anders Jerlichen geben vnd bezalen sollen vngehindert, So lange das wir vnser erben ader nachkomen die XVI wispel kornes nach Inbalde vnser briefes widerkouffen; vnd darvff sagen wir fur vns, vnser erben vnd nachkommen den obgnannten Borgermeistern, Ratmannen vnd gemeynen von dieffer czyt vnd furder alle Jar, dy wile wir vnser erben ader nachkomen der nicht widderkouffen, der XVI wispel kornes quid ledig vnd los, In vnd mit Crafft dieffes brieues, der czu Berlin gegeben vnd mit vnseren anhangende Ingesigeln versigelt ist nach Cristi gebort etc. ut supra.

Nach dem Kurrürf. Lehnreceptialbuche des K. Geh. Kab. Archives XX, 171.